

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 45. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), na prijedlog Kantonalne uprave civilne zaštite, Vlada Zeničko-dobojskog kantona, na 169. sjednici, održanoj dana 25.08.2022. godine, d o n o s i

ODLUKU

o odobravanju sredstava na ime pomoći općinama radi izvođenja preventivnih radnji i saniranja šteta nastalih prirodnim nepogodama

Član 1. (Predmet)

Odobravaju se sredstva Gradu Visoko, Gradu Zavidovići i općinama Kakanj, Dobojug, Žepče, Usora i Vareš na ime jednokratne novčane pomoći za izvođenje preventivnih radnji i sanaciju šteta nastalih tokom prirodnih nesreća poplava, klizišta i drugih prirodnih nepogoda u iznosu od 615.000,00 KM (slovima: šeststotinapetnaest hiljada konvertibilnih maraka) iz sredstava Budžeta za 2022. godinu, u iznosima kako slijedi:

1. Općina Kakanj - 100.000,00 KM (slovima: stotinu hiljada konvertibilnih maraka) – putna komunikacija Kakanj - Brnjic;
2. Grad Zavidovići - 100.000,00 KM (slovima: stotinu hiljada konvertibilnih maraka) – putna komunikacija i klizište (Grad Zavidovići);
3. Općina Dobojug – 70.000,00 KM (slovima: sedamdeset hiljada konvertibilnih maraka) – lokalni put i klizište, MZ Matuzići;
4. Općina Žepče – 100.000,00 KM (slovima: stotinu hiljada konvertibilnih maraka) – lokalni put i klizište, MZ Željezno polje;
5. Općina Usora - 75.000,00 KM (slovima: sedamdeset pet hiljada konvertibilnih maraka) – lokalni put Grgići - klizište;
6. Grad Visoko – 80.000,00 KM (slovima: osamdeset hiljada konvertibilnih maraka) – lokalni put, Dubrave;
7. Općina Vareš – 90.000,00 KM (slovima: devedeset hiljada konvertibilnih maraka) – lokalni put i klizište, MZ Dabravine.

Član 2. (Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22 i 14/22), sa razdjela 14 – Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615100 - kapitalni transferi drugim nivoima vlasti, funkcionalna klasifikacija 320.

Član 3. (Uplata sredstava)

Sredstva iz člana 1. ove odluke uplatit će se na depozitni račun grada/općine, a koristit će se za namjene utvrđene u članu 1. ove odluke.

Član 4.
(Potpisivanje Sporazuma)

Zadužuje se Kantonalna uprava civilne zaštite da izvrši potpisivanje Sporazuma sa gradovima/općinama kojim će se regulisati međusobna prava i obaveze između Uprave i Nosioca za sufinansiranje projekata.

Član 5.
(Provođenje odluke)

Za realizaciju ove odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

Član 6.
(Izvještavanje)

Zadužuju se gradovi/općine da izvještaj o utrošku odobrenih sredstava iz člana 1. ove odluke dostave u roku od 120 dana od potpisivanja Sporazuma Kantonalnoj upravi civilne zaštite.

Član 7.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Mirnes Bašić

Broj: 02-11-12901/22

Datum, 25.08.2022. godine

Z e n i c a

DOSTAVLJENO:

1x Kantonalna uprava civilne zaštite,

1x Ministarstvo finansija,

1x Grad Visoko i Grad Zavidovići, Općina Kakanj, Doboj Jug,

Žepče, Usora, Vareš putem Uprave,

1x „Službene novine Zeničko-dobojskog kantona“,

1x a/a.